

霑益州志卷一

星野 氣候附


堯之授時分官以占鳥火禹之治水敷土而奠山川  
 成天平地其道一也顧周置馮相氏以會天位更置  
 保章氏以志星辰之變遷卽以星土辨九州之方域  
 霑雖爲土無幾而日月所照敢云戴天而不知天之  
 高乎辰屬鶉首歷守斯言五行播於四時氣候隨以  
 更易亦道之相因者已志星野氣候附焉


霑益州志

卷一 星野

二十四

一〇三





井鬼躔度考

東井八星與鬼四星南方朱鳥七宿之首與目也按古  
 曆法井宿赤道三十三度三十一分黃道三十一度三  
 分鬼宿赤道二度一十分黃道二度二十一分

本朝曆度井宿三十一度鬼宿五度皆屬未宮漢天文志  
 起井十六度唐志起井十二度晉志與費直皆同唐志  
 蔡邕起井十度明起井九度一十八分四十一秒

本朝起井初度蓋以赤道分天之中亘古不易黃道爲日  
 月五星之常道不能不因歲差而變易也論分野者惟  
 以赤道爲準井鬼之星於分爲秦於野爲雍梁二州爲

巨蠓宮爲鶉首未宮井宿則雨水昏中鬼宿則春分昏中

北極出度考

雲南北極出地二十二度四時之日皆出卯入酉其間微分初刻正刻耳與京師出寅入戌出辰入申之不同者以京師北極出地四十度強故也

雲南表景度分

春分四度五十一分 夏至十九分

秋分與春分同 冬至十二度十三分

井宿昏旦考 鬼宿同

六月 旦在卯

七月 旦在辰

八月 旦在巳

九月 旦在午

十月 旦在未

十一月 旦在申

十二月 旦在酉

十一月 昏在卯

十二月 昏在辰

正月 昏在巳

二月 昏在午

三月 昏在未

四月 昏在申

五月 昏在酉

星野考辨

通志云周禮保章氏以星土辨九州所封之域其後星經散亡惟漢地理志載分野始詳而鄭康成十二次之

分大率因之晉天文志云班固取三統歷以十二次配十二野及費直周易分野蔡邕月令章句後魏太史令陳卓定羣國所入宿度固已詳言之矣而舊志載滇分野雜引星經卒無定論其曰太白血益州蓋太白秦分神主華岳華山屬少陰萬物由此而化生故金星位焉又少昊爲白帝治西岳上應井鬼之精下鎮秦之分野故天官書曰秦之疆也候在太白太白血秦晉巴蜀羌髳諸國梁雍以西之地皆屬焉是太白血益州之說蓋通秦蜀而言非專爲滇言之也又曰北斗第二星主益州星經以五亥夜候北斗第二星乙亥爲漢中丁亥爲

永昌己亥爲巴郡牂牁辛亥爲廣陵癸亥爲犍爲觀象玩占曰北斗一星主秦二星主楚三星主梁四星主吳五星主趙六星主燕七星主齊則北斗第二星非專主益州分野明矣司馬遷曰觜觶參益州東井輿鬼雍州班固則曰秦地東井輿鬼之分其界盡於西南牂牁越嶲益州固去遷未遠若以史遷之言爲然不當輒有異同而唐志亦曰東井輿鬼鶉首也西南盡犍爲越嶲益州之地東至牂牁則滇之當主井鬼已有確據而志滇者猶以迤東爲觜參迤西爲井鬼得非襲乎星經之說而未考乎分野之實耶夫分野之定起於井鬼唐一行

以山河兩戒論星野謂南河北河分夾東井爲天之闕門主關梁所以界天之南北也故北河曰北戒爲北戎衡星南河曰南戒爲南戎權星兩戒之間七曜之中道出焉春分昏中兩河當於午位就此時之中星觀之井在赤道之北黃道經其內恰值嵩高之上以是知天之高者惟北辰而井與北極最近地之高者惟崑崙而秦蜀滇與崑崙爲近故定分野者必以此爲準矣又天漢經井自井而向西北參觜次之畢昴次之婁胃奎璧室又次之此由西北而漸下之大畧也自井而向東南南河次之輿鬼弧矢次之柳星張翼軫又次之此由東南

而漸下之大畧也故天官家以黃河內外水之歸東海者爲北河以長江內外水之歸南海者爲南河因水勢南北分合爲星野南北所主此又自天漢而斷之也夫南河北河兩星列井南北於此求之秦在西北則黃道所經之井卽秦分野蜀在秦西南則近參之井卽蜀分野滇又在蜀之南則近鬼之井卽滇分野是滇在井鬼之間明矣且天狼弧矢在井鬼南主南夷之地占南夷者必於狼則志滇分野者亦必於井鬼此又象之可據者也雖天道渺茫非可臆測而以雲漢與地勢揆之亦概可識矣世有甘石當必辨之又考四川成都井鬼分

野入參一度順慶參井松潘疊溪觜參東川屬參今東川改隸雲南則以南詔次鶉首之位推之滇之迤東連參入井迤西則連井入鬼云今考黃氏鎮成之言曰二十八舍度最多者莫如東井卽古歷所云井宿赤道三十三度三十一分黃道三十一度三分迤東迤西相去約二千里不應連參連鬼云云戴氏嗣方歷詆徃說而亦謂專屬於井竝不得云在井鬼間卽以二說推之已不相合而以迤東爲井星分野則悉相符因定主井星而圖仍井鬼之舊重更革也

舊志

案漢書云滇在天井入參一度石氏又云南方七宿

霑益州志

卷一 星野

二十九

川文

其星朱雀司夏司火司南嶽司羽虫三百有六十井首鬼目柳喙星頸張喙翼翮軫尾分野爲秦爲雍梁二州攷秦分雍州鶉首之次屬井鬼周合梁於雍滇在梁域漢武開西南彝置益州滇居益州之南宋元及明與本朝分度雲南曲靖入井二十一度則所屬州縣俱應在二十有一度之內况霑與曲靖接壤乎舊志星野考辨斷以迤東爲井星分野眞確論也

氣候附

土曠風多霜繁霧重氣候微寒穀宜晚稻又諺云四時多似夏一雨便成冬可因是以知其概云

通志

去州百里

曰卡郎山高田濶氣較嚴寒秋末間雨雪焉舊志

案括地志云滇地山崇水狹風烈土浮冬春恆暘夏秋多雨露如之然通志云穀宜晚稻晚稻者秋熟之稻也布種於清明分秧於芒種道光前民間栽種竟有遲至夏至後而亦有秋今則按節而不宜稍遲者寒生較早故也

輿圖 諸圖附

相陰陽而覩流泉治一國與治一隅無異苟不察山川之向背原野之脉絡與邨落之遠近何以使几席間四野如聞呼吸乎有圖則瞭然於目有說可了然於心即他日興廢所關無不可按圖而稽也若學校祠祀及公署書院以重典禮以肅觀瞻以興教化俱應圖入垂之永久誌輿圖學校祠祀公署書院諸圖附焉

霑益州志

卷一 輿圖

三十一

古文






霑益州志

卷一



三十二

州治自花山起祖至天臺山北折數里復轉向東由紅瓦房迤邐跌入起白塔山兩峰相連為州鎮山至十字路跌落平陽山脊隱約入城西門突起巒頭俯瞰平原右則龍華近護太和遙繞左則交河迴環北山拱衛金覺寺天生壩諸山夾持於後五臺山小東山諸山屏藩於前地靈人傑其有厚望乎至州境住址山村為多其廣袤之數詳疆域志


學宮廟署諸圖




移建至聖廟





關帝廟




城隍廟



州署




龍華書院



霑益州志

卷一圖

三十八



霑益州志

卷一圖

三十九



山川

言地利者必美山川謂是寶藏之興貨財之殖固已  
易曰地險山川邱陵也又曰山下出泉王公設險守  
國實式憑之而育爲靈源灌溉資生其利尤溥五嶽  
視公四瀆視侯先王重之職此之故如曰翠磴千層  
輝於蘊玉清流百折媚在懷珠抑末矣志山川  
北山在城東五里一名象嶺蒼翠聳拔上有古寺  
小東山在城東八里林木繁茂每春時萬綠爭妍一溪  
掩映州人以爲八景之一曰東山春樹  
分水嶺在城東二十里前卽新舖去省城三百餘里登

霑益州志

卷一 山川

又三十九

嶺一望昆池華山瞭如指掌

太和山在城南十五里迤邐環拱爲州城右臂

龍華山在城南里許上有龍華古剎州人以爲八景之  
一曰龍華曉鐘

鳳凰山在城西二十里形如展翅故名

天臺山在城西三十里卽州治來脉

鸚哥嘴山在城西五十里

積白山在城西八十里

花山在城西九十里拖羅江上爲州治祖山

九龍山在城北二十里其山臨交河有石竅湧泉者九

河中島峙如船上有石佛因建古寺週圍清流激湍樹木掩映州人以爲八景之一曰石佛停舟

掛榜山在城北三十里一名錦屏山

圭木山在城北六十里產石形如圭大如雞卵又名雞母山

玉林山在城北八十里塊卜地一峰屹立宛然文筆

黎山在城北八十五里塊卜地其山最高林木蒼蔚遙望蒼然與玉林對峙

炎方山在城北百餘里下卽炎方驛俗名硯瓦山其深壑中產美石堅潤可爲硯

霑益州志

卷一 山川

四十

188

伯蒙山在城東南二十里高出衆山之上

五臺山在城東南三十里層疊如臺與三峯對峙登其上川原百里望如列眉州人以爲八景之一曰五臺擁翠

堆涌山在城東南百里延亘二百餘里峰巒突如涌出故名

羅山在城東北六十里形如天馬上有龍湫有意求之反不可得俗名馬鞍山以上舊志

秀峯山在德澤江之東北上古寺山源自藥靈發脉蜿蜒而來四百餘里勢若長蛇兩水交流一峯獨峙狀

如奔馬筆峯山下江心有洲似魚躍龍門之勢面山一起一伏宛若游龍朝拱下有高山巍然正照俗名黃龍傘登其巔者聽流水潺潺看行雲片片真有樂而忘返之致

伏釜山在城北四里山塘橋上沿山水田環繞頂如伏釜故名上建大覺庵樹林蒼蔚時白雲凝聚爲州八景之一曰大覺棲雲

白塔山在城西五里白花山蜿蜒而來爲州城近脉催冠屏障上建古寺

鰲頭山在小東山旁其山峯巒聳秀形似鰲頭道光間

移建太平橋魁閣於上咸豐八年因兵燹閣毀

詳冊

交河源出花山硎至梅家聞下會臘溪水每月夜金波蕩漾天在水中州人以爲八景之一曰交河夜月

臘溪河水出西山與交河合流

沙河卽高橋河下游灌溉亦廣但河高田低堤決則淹沒禾苗甚多每歲宜豫爲修築

雙河卽臘溪上游一從半個箐來一從烟子冲來會於新橋之上入交河

羊場河詳水道源流考

車洪江詳水道源流考

大龍潭在城東北五里許旁有小龍潭水出較盛灌溉亦多

高寨龍潭在城東十里許其水極清纖微畢現遇亢旱往禱立應

扯補龍潭在小東山後水從山腹中湧出引灌十餘里角家龍潭在城東南二十五里其水灌溉三鄉

海家龍潭在海地二源竝出大雨時一清一濁

花山硎在城北百里卽交河之源

渾水塘在城北黑橋坡上其水常濁寬廣數十畝不涸不溢相傳內有神物犯其中央則雷雹立至若清一線

霑益州志

卷一 山川

四十二

川  
○  
、  
三

州境必發大水

青亭瀦在城南里許瀦廣十餘畝中通官道昔年曾建西平書院青青亭於其左右今皆圯廢僅存望海寺亦廢然環瀦皆柳波光明潔三春遊賞人在畫圖州人以爲八景之一曰烟靄青亭

舊志

瀑布泉在城西北五里天生壩下有仙人洞瀑布長流水簾飛灑其景幽邃邑人王宇謨有記見藝文州人以爲八景之一曰天生瀑布

大龍潭河在城東北其流由舊街子村後赴太平橋上滙盤江水

高橋河在城東七里源自長冲來其河產白沙如粉名玉泉沙流至龍王廟築石壩一座灌溉沙溝一帶田畝團樹海在城東五里沙河前道光間沙淤成地咸豐元年知州鄧墀以官荒躡丈升科外撥地十分作書院膏火計地壹百陸拾餘畝

羅木大海在城東七十里南側結村卽名大海子海中產魚極肥以海水烹之味尤鮮

鄧家龍潭在西門城脚泉甘美可烹茶徃汲者頗重之艾家龍潭在城西南慧燈寺前

淤洱河在城北門中街納合城簷溝水於此由準提菴

前流歸北門暗碕洩出每年河內淤泥種田者常出斗米租以糞田禾極長

官井在城北門內其井最古水較他井味甘湧出者盛雖冬春不竭城中人取汲焉井傍直街中有天生太極紋石深不可取歷久不滅今尚存

安樂寺井在寺內左側泉清冽西街人及州署皆取汲焉

孫家井在南門外數武泉湧不息清冽味甘烹茶家多取汲於此

楊家井在孫家井西側二井泉味無殊

詳冊

五老峯在城北豐樂村魏家小箐

採訪冊

昔人以龍華曉鐘交河夜月天生瀑布煙靄青亭五臺擁翠石佛停舟東山春樹大覺棲雲爲州八景今各以類附而仍著八景之名於此俾探名勝者有所

觀覽焉

舊志

案咸豐兵燹後龍華寺止存前殿鐘被盜賣青亭遺址沙淤成地交河因臘溪分流及盤江□河淤塞尚未開濬大覺庵昔日樹林蒼蔚今曾遭斫伐現已培植有象餘景如故

建置

霑域數同實滇門戶自蠻夷竊據爲禍於唐終棄於宋變置靡常我

朝定鼎以來德威所被革心者萬里而遙衝要之邑永隸版籍而享太平考古君子慨然於土酋之輩徒爲鯨鯢而益以思飲食教誨之深

聖德獨隆於萬古也志建置

禹貢華陽黑水惟梁州今曲靖所屬其南境也

案大禹平成之後制貢辨服而滇雲遂與崑崙析

支渠搜同在要荒之服者河圖緯曰在地乃梁州

霑益州志

卷一 建置

四十五

四十五

裔土蜀之苑囿也躡哉

戰國時楚將莊躡王滇盡屬之

史記楚威王時使將軍莊躡將兵循江上畧巴蜀

黔中以西莊躡者故楚莊王苗裔也躡至滇池方

三百里旁平地肥饒數千里以兵威定屬楚欲歸

服會秦擊奪楚巴黔中郡道塞不通因以其衆王

滇變服從其俗以長之滇改躡使部將小卜收滇

而諸蠻旣不得歸楚始築苴蘭城居之史記又云

秦時嘗額畧通五尺道頗置吏焉按秦廢封建置

郡縣旣奪楚巴黔又畧通五尺道遂立黔中郡置

守尉監焉黔中郡兼夜郎地今曲靖猶是夜郎境  
當秦時或亦置吏再西莊氏所長原未入秦當亦  
不得置吏故曰頗置吏焉頗差多也言有無不一  
也此西南郡縣之始

漢武帝元鼎六年庚午置牂牁郡宛溫縣霑卽宛溫  
地元封二年壬申遣郭昌衛廣將兵畧滇以其地置  
益州郡屬漢建興三年乙巳諸葛亮南征改益州郡  
爲建甯郡分建甯牂牁置興古郡以馬忠爲太守宛  
溫屬焉

壤地考初通夜郎置犍爲郡以邛笮爲治所今之

叙州府也邛在叙西南笮在叙西北全屬四川省  
次誅且蘭君置牂牁郡初治今之定番州繼徙治  
播州又徙治烏卽朱提也今遵義府貴陽府黎平  
府普安州鎮甯州昭通府臨安府廣西府皆牂牁  
地也凡五府州屬貴州省三府在雲南省繼誅邛  
君笮侯諸夷震恐皆請臣置吏以邛都爲越雋郡  
邛州爲治所今建昌府會理州鹽井衛雅州府廳  
江府皆越雋而楚雄屬之黑白二井亦是越雋境  
內地凡兩府一州一衛在四川省麗江及黑白三  
井在雲南省以笮都爲沈黎郡黎州爲治所今安

撫司全屬皆其地也最後滇王舉國降以其地爲益州郡滇縣爲治所今雲南府澂江府楚雄府姚安府大理府蒙化府皆其地也全在雲南省及哀牢內附置哀牢博南二縣爲永昌郡分益州之不韋雲南楛榆昆蘓嵩唐邪龍等屬之後劉焉爲益州牧移治綿竹因天火燒綿竹移治成都焉死子璋因之蜀先主奪璋地自領益州牧卽位後以諸葛亮領之亮南征改益州爲建甯郡分建甯永昌郡爲雲南郡分建甯牂牁郡爲興古郡俱領於益州刺史自此成都方爲益州矣又攷滇屬之郡惟

牂牁永昌最廣達牂牁自郡之東延袤至交廣皆牂牁也永昌南至徼外可三千餘里皆其裔境故分牂牁置興古郡治今之普安州分永昌置雲南郡治今之白崖是也

晉武帝太始七年辛卯分建甯興古雲南永昌四郡爲甯州以爨琛爲興古太守泰康三年壬寅廢甯州入益州立南彝校尉護之惠帝大安二年復置甯州明帝大甯二年甲申梁州太守爨亮益州太守李暹以興古羆叛降蜀氏李雄穆帝永和三年丁未桓溫伐蜀雄子李勢降南中諸羆復歸於晉

馮氏滇攷云漢武平滇初置夷州郡郡也非州也  
益州刺史治成都兼理滇蜀至蜀漢始改益州郡  
爲建甯以別益州之名晉又以益州地廣分建昌  
興古雲南永昌四郡爲甯州後又罷甯州入益州  
繼又分建甯七縣別立益州郡又復分永昌爲梁  
水郡改益州爲晉甯郡分牂牁爲平彝郡分朱提  
爲南廣郡繼後又分牂半以爲平夷郡夜郎以南  
爲夜郎郡而李雄遂盡有南中之地矣其後桓溫  
破蜀甯復爲晉符堅寇梁益甯更爲秦以至六朝  
疊更莫有定主雖除授都督猶列梁益之號皆止

空名而已嗚呼民之生於斯地者亦可哀也哉

梁簡文帝大寶元年庚午甯州刺史徐文盛率兵詣  
荊州討侯景土人爨瓚遂據其地

滇攷自南北分爭甯州道絕爨習爨深之後以方  
土大姓自爲君長宋元嘉中爨松反刺史徐循討  
平之其後爨龍顏仕宋爲龍驤將軍封邛都侯爨  
雲仕魏爲驃騎大將軍封同樂郡侯至梁時因侯  
景之變刺史徐文盛入討爨瓚乘機據有牂牁興  
古等郡朝廷不得已授瓚甯州刺史瓚死子震翫  
分統其衆而震爲刺史陳時皆爲爨據

隋文帝開皇十一年乙酉南甯羗遣使朝貢以爲昆  
州刺史命韋世充率兵戍之置恭協二州卽興古羗  
地

滇雲歷年傳開皇初爨震爨翫遣使朝貢命韋世  
充以兵戍之置恭州協州昆州又置牂牁十七年  
南甯蠻爨翫歸降詔以爲昆州刺史明年復叛遣  
太平公史萬歲討平之滇攷萬歲爲行軍總管帥  
衆南征從越嶲進兵至南中賊前後據要害萬歲  
皆破之行十餘里見諸葛紀功碑銘其背曰萬歲  
之後勝我者過此遂令左右仆其碑下復有字隋

開皇十九年史萬歲過此復立吾碑萬歲惶恐再  
拜重扶其碑立之進渡西洱河入渠濫川破其三  
十餘部諸夷大懼爨翫遣人請降獻明珠徑寸於  
是勒石頌美隋德請以爨翫入朝帝許之又南蠻  
傳爨翫入朝隋文帝惡其反覆殺之而沒入其子  
宏達爲奴唐高祖卽位釋之仍以爲昆州刺史宏  
達奉其父喪歸諸夷皆感附太宗貞觀元年以宏  
達子爨歸王爲南甯州都督居石城

唐高祖武德元年戊寅置南甯州治味縣改恭州爲  
曲州分協州爲靖州曲靖之名始此四年辛巳置西

平州卽今州治太宗正觀八年甲午改西平爲盤州  
隸戎州都督元宗天寶十年辛卯劍南節度使鮮于  
仲通將兵討南詔次師曲郡爲南詔所敗全滇盡沒  
於蠻

大理志蒙氏先爲哀牢夷有九隆者雄黠衆推爲  
王其裔細奴邏隨父避難耕於蒙之巍寶山數有  
祥異張樂進求以國讓之細奴邏遂自立爲奇王  
號大蒙白國張氏世絕時渠帥有六號曰六詔皆  
九隆苗裔細奴邏居蒙氏川今蒙化府稱蒙舍詔  
餘爲越析詔居麗江府浪穹詔居浪穹縣鄧賧詔

居鄧川州施浪詔居浪穹縣之瀾茨河蒙嶠詔居  
建昌衛獨蒙舍詔在五詔之南故又稱南詔攷南  
詔自細奴邏三傳至皮羅閣立開元二十年賂劍  
南節度使王昱請併六詔爲一昱許之乃建松明  
樓誘諸詔登樓祭祖焚之二十六年春閣入朝封  
越國公賜名歸義册授雲南王歸國築太和城徙  
都之立上下二關天寶七載蒙歸義薨子閣羅鳳  
立九載雲南太守張虔陀貪淫狡詐鳳旣立虔陀  
多徵求不應輒使人辱罵由是怨憤甚深鳳陰脩  
城堡結吐蕃置鐵橋於金沙江以通往來是年虔

陀奏南詔將反鳳亦特表陳虔陀之罪朝廷使中官賈奇俊詳覆奇俊入虔陀賄是虔陀鳳怒發兵攻姚州虔陀戰不勝飲酖自殺遂陷姚州拔嵩州事聞詔遣劍南節度使鮮于仲通討之鳳以虔陀自殺冤憤已洩又聞大軍出討頗懼就安甯城使王克昭再申己冤克昭不九因復攻安甯陷之又遣使詣軍前謝罪請復還所據且曰如不許將歸命吐蕃仲通怒進軍白崖遣將王大運遶出點蒼山後鳳乃遣子伽異將段儉魏迎於山後自統大兵戰於洱河官軍大敗仲通僅以身免十一載鳳

築白崖城遣使齎金寶赴吐蕃告捷吐蕃冊鳳爲東帝給金印號贊普鍾鳳遂改正朔稱贊普鍾元年僭號大蒙國

宋太祖乾德三年乙丑王全斌平蜀欲因兵威取滇太祖鑒唐之失以玉斧畫大渡河曰此外非吾有也由是雲南不通中國爲段氏所據稱大理國西平故地爲磨彌部寶佑四年丙辰立磨彌萬戶府於磨彌部領納垢落温夜苴羅雄四千戶所

大渡河在建昌城北滇雲歷年傳段氏之先爲武威郡人自段儉魏從鳳伽異敗鮮于仲通蒙氏擢

爲清平官更名忠國六傳而至思平生有異兆爲通海節度使楊干貞忌之思平卜於秀山神祠就其舅爨判自匿千貞索捕甚急乃變姓名爲獵者以一犬自隨至品甸投宿主人有一戟倚於墻旁置生牛革四疊入夜風忽吹戟洞貫其革思平驚異之明日以犬易戟又得神驥於葉鏡湖會善巨守高方素與思平善密遣人招思平思平與其弟思良及軍師董伽羅走就之在路摘野桃食之核膚有文曰青昔思平折之曰青乃十二月昔乃二十一日也今楊氏亂政吾當以十二月二十一日

舉義乎遂至善巨與高氏謀借兵東方黑爨松爨皆助之共三十七部會於石城與思平盟誓立碑在曲靖北十五里合衆十餘萬鼓行而西所向無敵師至洱河尾是夕思平夢人斬其首又夢玉瓶耳缺又夢鏡破懼不敢進董伽羅曰公爲大夫夫去首爲天玉瓶去耳爲王鏡中有影如人有敵鏡破則無影無影則無敵矣三夢皆吉進也思平乃決明日引兵欲渡莫知所從見江尾一婦衣白被纓而浣者指曰人從我江尾馬從三沙矣爾國名大理從之得濟楊干貞戰不勝率妻子走永昌退

至萬箭樹自縊死親屬皆俘晉天福二年十二月  
二十一日思平自立改國號大理建元文德盡逐  
楊氏邪臣除苛令以董伽羅爲相國封高氏爲岳  
侯分治成紀巨橋等地封爨判爲巴甸侯祠秀山  
神加恩三十七部於是遠近歸心諸夷君長各來  
貢獻攷三十七部中有彌勒部今彌勒州磨彌部  
今霑益州並宣威地羅雄部今羅平州納垢部今  
馬龍州夜苴部今廢亦佐縣落温部今陸涼州六  
部卽古槃瓠六種也

元世祖至元十三年丙子立雲南行中書省設曲靖

霑益州志

卷一 建置

五十三

路總管府置霑益州

霑益之名始此

領交水石梁羅山三縣

交水卽今州治

三十八年辛卯設曲靖等處宣慰司管軍民

萬戶府順帝元統三年裁州所屬交水三縣併歸巡

檢司

案元滅段氏分大理國三十七部爲南北中三路

至元十三年改中路爲曲靖總管二十五年陞曲

靖總管府爲宣撫司通志司領縣一南甯州五陸

涼越州羅雄馬龍霑益陸涼領芳華河納羅雄領

通泉霑益領交水石梁羅山三十一年雲南行省

上所定路府州縣凡上路二下路十一下州四十

九中縣一下縣五十

明太祖洪武十四年辛酉征南將軍傅友德等征雲南改曲靖宣慰司爲曲靖軍民府霑隸焉十五年壬戌建霑益州城宣威成祖永樂二年甲申易州城以石世宗嘉慶二十五年丙午設霑平守備二十八年己酉設霑益州儒學神宗萬曆十六年戊子以臨元參將兼治霑平守備事天啓三年癸亥城交水徒平彝右所官兵戍之五年乙丑移霑益州治於交水

案潁川侯傅友德永昌侯藍玉西平侯沐英帥諸路師征雲南元梁王聞大師南征遣司徒平章達

里麻將精兵十餘萬屯曲靖以拒明師沐英謂友德曰彼謂我師疲於深入未有虞心若倍道疾趨出其不意破之必矣友德是之遂進兵未至曲靖數里忽大霧四塞衝霧而行阻水則已臨白石江頃之霧霽達里麻望見大驚倉皇失措友德卽欲濟師英曰我軍遠來形勢旣露固宜速戰然亟濟恐爲所扼乃整師臨流勢若欲渡達里麻悉精銳扼水英則別遣數十人從下流潛渡出其後鳴金鼓樹旗幟達里麻急撒衆禦之陣動英乃拔劍督師渡江以猛而善泅者先之長刀蒙盾破其前軍

敵氣索退數里而陣明師畢濟友德麾兵進薄之英縱鐵騎擣其中堅敵遂大敗生擒達里麻橫屍十餘里軍聲大振所至無敵雲南遂平

屯田附洪

武十九年沐英奏雲南地土甚廣而荒蕪居多宜置屯田命軍士開耕以備儲蓄上諭戶部曰屯田之政可以紓民力足兵力邊防之計莫善於此英之是謀可謂盡心矣然邊地久荒榛莽翳蔽用力實難宜緩其歲輸之粟使彼樂於耕作數年之後徵之可也攷英先後鎮雲南十年歲較屯田增損以爲賞罰墾田至百餘萬畝自永甯至大理每六

十里設一堡留軍屯田後其子春亦鎮雲南七年大修屯政闢田三十餘萬畝又攷段氏元室雲南俱已屯田而蒙詔上官給田四十雙雙五畝貴賤以是爲差人不徭役歲輸米二斗亦類屯法然則雲南屯田自蒙詔段元始修明之而立萬戶千戶府迨後日漸荒廢故西平侯起而興修之非創也

考古者宜知之 二十三年設霑益州交水指揮使司稅課局 嘉慶二十五年設霑平守備由貴州巡撫劉渠請也

世祖順治元年甲申

時雲南未隸版圖特書之大一統也

十六年己亥正月

世祖命安邊靖寇大將軍信郡王鐸尼等率師平滇定霑益州治於交水土官安民投誠仍世其職十七年庚子設尋霑管遊擊駐霑益舊城十八年辛丑十一月省儒學學正訓導以州兼之

聖祖康熙元年壬寅仍設儒學學正安置曲靖土宣慰司恭默歸州五年以亦佐縣土縣丞海濶地編爲里甲隸於州十二年癸丑吳三桂反二十年辛酉二月征南將軍賴塔率大師底曲靖全部歸附十月雲南平二十三年甲子以驛丞兼治堡夫事二十四年乙丑

霑益州志

卷一 建置

五十六

川文

以沐氏勲庄變價還民照民糧例起科二十六年丁卯裁平彝衛以右所附近屯賦歸州三十四年乙亥十一月設平彝縣歸其原撥右所屯賦併析海地久安長治二里屬之四十五年丙戌復設儒學訓導世宗雍正元年癸卯五年丁未裁土知州以其地置宣威州與霑益分隸之

案滇雲歷年傳順治十五年戊戌我 皇清大兵伐滇李定國率衆至黔大敗而回時 詔遣安遠靖寇大將軍信郡王鐸尼由貴州征南將軍固山趙布泰由廣西平西王吳三桂定西侯墨勒根下

都統李國翰由四川三路取滇十二月大兵入滇  
三路俱會於曲靖諸郡皆望風歸順十六年己亥  
正月初三日大兵拔雲南兵不血刃迤東遂平十  
七年正月 命吳三桂爲總管移鎮雲南文武官  
俱聽奏除是月三桂請准土司世襲悉給印札又  
奏雲南新闢事務減少教養土子州縣可以兼攝  
康熙七年裁亦佐縣歸羅平州二十一年凱旋設曲  
尋臨安開化楚姚鶴麗永順等六鎮總兵又設雲  
南元江廣羅騰越劍川永北尋霑武定廣南洱海  
順雲新嶧十二協營二十四年詔從總督蔡毓榮

請以原給吳逆沐庄變價歸附近州縣照民糧起  
科二十六年裁平彝衛以附近屯賦歸州從總督  
范承勳之請也四十二年巡撫石文晟學政王之  
樞請設永北昆陽彌勒陸涼馬龍霑益雲龍等學  
訓導從之 雍正四年丙午總督鄂爾泰參革霑  
益州土知州安于蕃改置宣威州設官治之安民  
與烏撒同族皆火濟之後安効良二子其爵襲烏  
撒土府其祿襲霑益州土州于蕃其祿後也時曲  
靖府差役至舊州提人舊例州官添人差協提去  
役需索過甚與土目口角至土署喧嚷索見于蕃

不出差役自碎其牌以毀牌訴適知府張榮與土官他事不洽遂增飾其辭通詳請參革襲治罪而以其所割地置宣威州且割霑益旁近地以益之後于蕃奉 旨安置江南張榮亦以侵盜錢糧獄禁十年始得赦免回籍云七年己酉 詔雲南貴州總督兼制廣西鄂爾泰奏設馳粵驛遞三十五站州東南舊有塘哨今廢

案舊志建置載其綱今考諸書兼詳其目引述似嫌於寬而展閱不無所見但其中間有時事不符之處兩存之以備參證耳

建置表

唐虞 南交昧谷之交

夏商 梁州域

周 合梁於雍戰國時蜀楚

秦 通道置吏

漢 宛溫縣地

蜀漢 屬興古郡

晉 宛暖縣地

宋 宛暖縣

齊 宛暖縣

梁 南甯州地

陳 爨瓚據

隋 南甯州地

唐 初置西平州貞觀中改爲盤州天寶末沒於蠻  
後爨刺二種居之

五代 鄭買嗣據  
趙善政據

楊干貞據  
段思平據

宋 段氏據  
摩彌部據

元 內附憲宗七年以本部隸摩彌萬戶府至元中  
置霑益州領交水石梁羅山三縣

霑益州志

卷一 建置

五十九

1 刀 文 本

明 霑益州併交水石梁羅山三縣及越州入州天  
啓五年移州治於交水

本朝因之順治十七年設尋霑營遊擊駐霑益舊城雍  
正五年裁土州分置宣威州於霑益舊城舊志

案尋霑營遊擊後改設參將今仍其職駐宣  
威州城

疆域形勢附

周禮大司徒以天下土地之圖周知九州地域廣輪之數制其畿疆而溝封之俾有土君子專乃攸司用康兆民今海宇晏如山國關防不事烽烟而增名勝嗚呼休哉然申畫郊圻慎固封守至治之世自古云然司牧者登龍華象嶺而望之康功田功之想其有不油然而興者歟志疆域形勢附焉

州治舊境東西廣九十五里南北袤三百四十五里今自永安舖爲界分隸宣威州在霑境者東西仍九十五里南北一百三十里內錯馬龍尋甸南甯平彝四州縣田地截長補短特五六十里也

霑益州志

卷一 疆域

六十

川  
日  
在

東至秧草灘交南甯縣新舖界二十五里

南至新橋交南甯縣小坡界十五里

西至木冲交尋甸打烏哨界七十里

北至永安舖大山頂交宣威州板橋界一百二十里

東南至儂人壩交陸涼州界九十里

西至廟坡頂交馬龍州界十五里

西北至反扯交東川府界九十里

東北至那杓營交普安州界九十里

南至府三十里

西至省三百餘里

東達京師七千八百餘里舊志

### 形勢

東達京師西聯省會南通百粵北控三巴四達衝衢山水交匯入滇第一州也孔氏錄本層山遶其西北二水會於

東南地當黔蜀之衝山接烏蒙之險通志左扼川蒙之襟

帶右壯陸羅之爪牙固省垣東路之封掌曲靖北門之

管舊志象嶺前峙龍華後布左則九龍朝拱右則雙河迴

護通陸越之舟會宣平之路倚蒙尋以固疆圍鑰滇迤而為門戶

## 霑益州志

### 卷一 疆域形勢

六十一

### 擬五路歌括附

竊意疆域後應紀都里惟州境村落零散不免掛漏謹按五路賦以歌括庶幾一見其大畧云爾

東鄉十甲錯皇夫海四山村六數符自落脚塘柿花

子為海四甲自小德潤毛家村至李繼冲戰馬地奴格熟地打磨溝為山六甲內有皇夫十五名地方應

南甯白那勺營通羅木表普安連界入興圖羅木家營

村左那勺營在右至大黑山交貴州普安界二二十

屯間路轉西張安屯磨刀箐中錯平彝山半里北至

德澤大卡郎三營曾滑運銅泥二十屯外有木冲色

昔日領運京銅今停外有河西打烏常越東尋嶺至西

打烏哨交東德澤江流會澤谿德澤營在二十屯內

川會澤 南郊附郭五屯村分南五屯地方官古城連八

道門自官廠古城蔡家山至八道門為下二屯半共五

屯上下太平原一里為五屯之南越南甯地六七十

為上里中間半錯內甯陸涼地外有西山頭鴨子塘

共七村錯馬龍地自新村南至反勒坡東至噠喇

陸涼羅平平彝村寨儂人遙向陸涼存儂人壩錯

北過松炎二土城連安舖堡驛傳行自舖為上驛三舖

一自堡係上三舖半堡下三舖中設屯分卅六為三

甲自李家屯至寨子脚為二甲自大樹屯至乾溝為三甲每

甲分十一路中攬阿塊營阿塊內二營沙河一帶

霑益州志 卷一 疆域 五路歌括 六十二

菌陳家灣至桂花樹為上二屯自角家鄉猪街子至

呂家屯為下三屯中寨班口烏柴溝係下三幫屯軒

家山宋家河王家堡子崔羊腸河表界平參五屯外

家灣交錯南寧縣戶口

為羊腸營分河東河西至反妹和依交平

彝界西至羽分毛冲阿雞密交平彝海土司地